



14. august 2009

Inatsisartut Suleriaasianni § 36, imm. 1 naapertorlugu Naalackersuisunut apeqquq imaattoq matumuuna saqqummiuppara:

Island-imik Canada-millu annertunerusumik niueqateqarsinnaanermut takorluuisoqarneranik aammalu namminersorlutillu inuussutissartiu-teqartut annertunerusumik niueqatigiissinnaanissaat pillugu Naalackersuisunut apeqquq.

(Inatsisartuni ilaasortaq Akitsinnguaq Olsen, Inuit Ataqatigiit)

Tunggavilersuut:

Innuttaasut nioqqutissanik nerisassaasunik nerisassaangitsunillu assigiinngitsunik amerlanerpaanik pissarsisinnaanissaat Namminersorlutik Oqartussanit sulissutigineqartariaqarpoq.

Maannakkut nioqqutissat nunatsinni pisiniarfinnut annguttartut Danmark-imi Aalborg-iminngaanniit 4.000 km miss. umiarsuarmik ingerlanneqareerlutik apuunneqartarput. Nioqqutissat taama isorartutigisumik assartorneqarnermikkut akitsortarput, avatangii-serput mingutsinneqartarluni nioqqutissallu pissarsiarisinnaasat "sivisuumik asiuisinnaangitsutut" taaguutilinnut killilersugaasarlutik. Assersuutigalugu Reykjavik-imiit Nuummut aqqut Aalborg-iminngaanniit Nuummut aqqummut isorartussia sanilliullugu affaannaata missaaniippoq, taamatullu Canada-mi umiarsuarmik tikinneqarsinnaasut 2.000 km ataallugit ungasusseqarlutik.

Islandi-mimi Canada-miluunniit akitigut unammillersinnaasumik pisiassaqarpat pissusissamisuuqinnassagaluarpoq nioqqutissat taamaattut Aalborg-imut tapertaliullugit taarsiullugilluunnit nunanit taakkunanit toqqaannartumik assartorneqarsinnaagaluarnerat.

Isorartussutsip annikinnerunera aamma ima kinguneqarsinnaassaaq nioqqutissat aqqutaa pissutigalugu timmisartumik assartorneqarsinnaangitsut umiarsuarmik eqqussorneqar-sinnaassaagaluartut, isumaqarnarporlu taamaaliorneq akikinnerusumik pisisinnaalernerq kalaallinut atuisartunut iluaqutaassasoq, taamatullu avatangiisinut nanertuineq annikilline-qarsinnaassagaluarluni.

Tamakku tunggavigalugit apeqquqtit makku Naalackersuisunut saqqummiukkusup-paka:

1. Nunatta nunanut sanilerisatsinnut niueqatigiissinnaanera siunertaralugu Naalakkersuisut qanoq takorluugaqarpat?

2. Kalaallit Nunatsinni inuussutissartiuteqartut Island-imut Canada-mullu niuernikkut periarfissaasa annertusarneqarnissaannik periarfissarsiuussinissanik aalajangersimasunik pilersaaruteqarpat?

Ullut qulit qaangiutinnginerini akissutisisinnaanissara inussiarnersumik qinnutigissavara.